



Inatsisartuni ilaasortaq Aqqalu C. Jerimiassen, Atassut
/Maani

Nunagissaanissat piareersarneqartarneri pillugit § 37 naapertorlugu apequteqaammut 2020-033-mut akissut

11-03-2020
Suliaq nr.: 2020 - 3417
Id nr. 50956056

Asasara Aqqalu

Nunagissaanissat piareersarneqartarneri pillugit Inatsisartut suleriaasianni § 37 naapertorlugu Naalakkersuisunut apequteqaateqarputit. Apeqqutitit uannit akisassanngorlugit innersuunneqarput. Apeqqutitit matuma kinguliani ataasiakkaarlugit allanneqarput, akissutitaannik malitseqartinneqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Sinerissami nunagissaanermut (sanaartorfigissaanermut) Kommuninut aningaasaliissutit namminersorlutik oqartussanit qanoq annertutigippat?

Akissut: Aningaasaqarnermut Naalakkersuisoqarfimmit ilisimatitsissutigineqarpoq:

“Nunaminertamik nutaamik atuilernissamut atatillugu sanaartorfissagissaanissamut aningaasaliissutinik aalajangersimasunik Aningaasanut Inatsimmi immikkoortitsisoqarsimanngilaq. Taamaattumik suliaasaqartoqassappat agguassinissaq aningaasaliinissarlu pillugit aalajangersimasunik isumaqatiginninniartoqartussaavoq.”

Apeqqut 1a: Agguariaaseq qanoq ittoq atorineqarpa?

Akissut: Aningaasaqarnermut Naalakkersuisoqarfik ilisimatitsivoq:

“Nunaminertami nutaami sanaartorfissagissaanissamut atuilernissamullu tunngavissat sanaartorfissagissaanermi suliaasanik nammagassanillu agguassineq pillugu isumaqatigiissummi, 1. januar 1998-imeersumi allassimapput.

Pisortanit suleqatigiissitamik ataatsimoorussamik pilersitsisoqarsimavoq, taassumalu sanaartorfissagissaanermi suliaasanik nammagassanillu agguassineq pillugu isumaqatigiissut, 1. januar 1998-imeersoq taarsissavaa, tamatumunngalu atatillugu tunngavissat iluarsanneqassapput. Suleqatigiissitaq kommuninit tallimaasunit, kiisalu Aningaasaqarnermut Naalakkersuisoqarfimmit aallartitanik ilaasortaqarpoq.

Suleqatigiissitaq illoqarfinnik ineriartortitsinermut atatillugu ajornartorsiutaasartunik assigiinngitsunik marlunnik suliaqartussatut pilersinneqarpoq:

1. Sanaartorfissagissaanermi akisussaaffinnik aningaasartuutissanillu agguassineq
2. Nuna tamakkerlugu sanaartukkanut angisuunut atatillugu saniatigut attaveqaatinut, tunngaviusumik attaveqaatit pillugit sulianut aningaasaliissutissanik aningaasalersuinerit.”

Apeqqut 2: Sineriak tamakkerlugu inissianut sanaartornerup kommuninut namminersortunullu tunniukkiartuaarsinnaanerannut naalakkersuisut pilersaaruteqarpaat?

Akissut: Naagga.

Apeqquut 3: Suliffeqarfiit ilinniartuuteqarnissartik pillugu inissaqartitsisinnanissaat pillugu Naalakkersuisut Namminersorlutik oqartussat inaataasa namminersortunngorsarneqarnissaannik pilersaaruteqarpat?

Akissut: Ilinniartitaanermut, Ilageeqarnermut Kultureqarnermullu

Naalakkersuisoqarfimmit ilisimatitsissutigineqarpoq:

“2019-imut aningaasanut inatsit pillugu isumaqatigiisummi allassimavoq, ilinniartitaanermi siuariarnermik annertusisoqassappat, taamaalillunilu meeqqat atuarfiinit soraarummeereersut amerlanerujussuit pilertortumik inuussutissarsiornermut piginnaatitaaffiliisunik ilinniarlutik aallartittalerpata naammassisalerpatalu, tamanna inuiaqatigiinnik imminnut nammassinnaanerusunik nungusaataannginnerusunillu pilersitsinissamut pingaaruteqarluinnartoq. Kiisalu allassimavoq, tamanna peqqutigalugu ilinniartitaanerni akimmiffiusartut nungutinneqarnissaat pingaaruteqartoq, tassungalu ilinniarfissaaleqineq peqqutigalugu inuusuttut inuussutissarsiutinut ilinniartitaanerni aallartinngitsoortarnerinik pinaveersaartitsinissaq ilaatinneqarpoq. Naalakkersuisut ilinniartitaanerni akimmiffiusartut ilaannik paaaniarlutik illoqarfinni ilinniarfiusuni, ilinniartut inaannik amigaateqarfiusuni ilinniartut inaannik sanaartorlutik aallartippaat. Naalakkersuisut Ilinniartut Inaannut Pilersaarutaat malillugu aallaqqaammut illoqarfiit Ilulissat, Aasiaat, Sisimiut, Nuuk aamma Qaqortoq aallunneqarput.”

Inussiarnersumik inuulluaqqusillunga



Karl Frederik Danielsen